

卷二十二

書名 春秋左傳註疏六
 十卷 (十三經註
 疏所收)
 撰者 晉 杜預 注, 唐
 陸德明 音義, 唐
 孔穎達 疏
 卷 卷二十二
 內容分類 經-春秋-春秋左傳 唐
 索書號 貴重 1
 編號 A 297200

彩色首頁1

[東洋文化研究所漢籍目錄 編號: A 297200](#)

[東洋文化研究所漢籍目錄所藏漢籍善本全文影像資料庫 索書號: 貴重-1](#)

[漢籍善本全文影像資料庫文本春秋左傳註疏六十卷 \(十三經註疏所收\)](#)

版權所有: 東京大學 東洋文化研究所

[使用上の注意事項](#)

春秋左傳註疏卷第一

晉杜氏註

唐孔穎達疏

陸德明釋文

春秋

○陸曰此元凱所作既以釋經故依例音
 之本或題為春秋左傳序者沈文何以爲
 正義曰此序題目文多不同或云春秋經傳
 疏

或云春秋左氏傳序或云春秋左氏傳序
 云春秋左氏傳序今依用之南人多云
 春秋左氏傳序今依用之南人多云

或云春秋左氏傳序今依用之南人多云
 春秋左氏傳序今依用之南人多云

或云春秋左氏傳序今依用之南人多云
 春秋左氏傳序今依用之南人多云

或云春秋左氏傳序今依用之南人多云
 春秋左氏傳序今依用之南人多云

或云春秋左氏傳序今依用之南人多云
 春秋左氏傳序今依用之南人多云

東方文化學院東京研究所

No. 3038

三六



不 許 複 製

NOT TO BE REPRODUCED

東京大学東洋文化研究所





春秋左傳註疏卷第二十二

宣公五年
盡十一年

晉杜氏註

唐孔穎達疏

經五年春公如齊

夏公至自齊

秋九月齊高固來逆叔姬國高固齊大夫不書女歸降

於諸侯如高固至諸侯。正義曰僖五年公孫茲

奉公命聘於年因自為逆然則此高固亦是因來聘而自逆也經書公孫茲如年是以聘為文此高固以逆為文不言聘者此二者皆以非君之命不得越竟請君行聘而因自逆妻本意為逆不為聘也從魯而

出私娶輕而君命重故書聘不書逆自外而來則嫁
女重而受聘輕故書逆不書聘內外之異文耳諸侯
嫁女於大夫則使大夫為主耳其女適他族以先公遺
尊卑不敵故使大夫為主耳其女適他族以先公遺
體許人必告於廟故書之耳嫁於諸侯者皆書其歸
此不書歸者差降於諸侯也非齊夫人不得言歸于
齊若言歸于齊高氏則下嫁
夫非公之敵故不得書其歸也

叔孫得臣卒

無傳不書日公不與小飲飲力驗反音預

冬齊高固及子叔姬來

叔姬寧固反馬固反馬

正義曰傳言來反馬也據高固為文耳嫌叔姬亦為
反馬故辨之二者各有所為而且相隨行耳女既適
人當稱夫姓宋蕩伯姬是其事也叔姬已適高氏而
言猶子叔姬者以其新歸於夫反馬乃成為婦今始
來反馬故以父
母之辭言之

伐鄭

傳五年春公如齊高固使齊侯止公請叔姬焉

公強成昏強其夏公至自齊書過也公既見

止連昏於鄰國之臣厭尊殺列累其先君而於廟行

飲至之禮故書以示過厭於步反

凡公行還書至者往反無咎喜之而告廟也公如齊

見止求與高固為昏方始得歸當以耻而不告亦復

告廟飲至故依常書之以示過釋例曰凡反行飲至

必以嘉會昭告祖禰有功則舍爵策勳無黨無勞告
事而已若夫執止之辱厭尊殺列所以累其先君齊
其社稷故當克躬罪已不以嘉禮自終宣公如齊既
已見止連昏於鄰國之臣而行飲至之禮故
傳曰書過也言書過者書之以示公過也

秋九

月齊高固來逆女自為也故書昌逆叔姬卿自逆也

註 適諸侯稱女適大夫稱字所以別尊卑也此春秋

新例故稱書曰而不言女也不於莊二十七年發例

者嫌見逼而成昏因明之 **○** 自為于偽 **○** 別彼列反 **○** 明之 **○** 正

義曰俱是外來逆女適諸侯諸侯遣臣來逆則稱逆

女紀裂縵來逆女是也適大夫大夫自來逆則稱逆

逆之字此高固來逆叔姬是也二文不同所以別尊

卑也傳言卿自逆者別其與君逆也莊二十七年皆

見來逆叔姬文與此同不 **○** 彼發例者嫌此高固 **○**

見迫而成昏與常例或異 **○** 故因此以明其不異也 **○**

冬來反馬也 **註** 禮送女留其送馬謙不敢自安三月

廟見遣使反馬高固遂與叔姬俱寧故經傳具見以

承謙 **○** 廟見賢遍反 **○** 送 **○** 禮送至示謙 **○** 正義曰

馬謙不敢自安於夫若被出棄則將乘之以歸故

之也至三月廟見夫婦之情既固則夫家遣使反其

所留之馬以示與之偕老不復歸也法當遣使反其

親行高固因叔姬歸寧遂親自反馬與之俱來故經

傳具見其事以示謙也儀禮昏禮者士之禮也其禮

無反馬故何休據之作膏肓以難左氏言禮而昏禮

之法鄭玄答之曰冠義云無大夫冠禮而有其昏禮

則昏禮者天子諸侯大夫皆異也士昏禮云主人爵

弁纁裳緇衣乘墨車從車二乘婦車亦如之此婦車

出於夫家則士妻始嫁自乘其家之車也則天子諸

子于歸百兩御之又曰之乘其家之車也則天子諸

國君之禮夫人始嫁自乘其家之車也則天子諸

嫁女留其車也禮雖散亡以高固大夫也來反馬以

亦留其車也禮雖散亡以高固大夫也來反馬以

嫁皆有留車反馬之禮留車妻之道也反馬以

也高固以秋九月來逆叔姬冬來反馬則婦入三月

祭行乃反馬禮也是說禮有反馬之法唯高固不宜親行耳杜言三月廟見謂無舅姑者士昏禮婦至其夕成昏質明贊見婦於舅姑若舅姑既沒則婦入三月然後祭行玄云奠菜者祭菜也又記曰婦入三月然後祭行鄭玄云謂助祭也曾子問篇端稱孔子曰三月而廟見稱來婦也擇日而祭於廟成婦之義也鄭玄云謂舅姑沒者是舅姑沒者以三月而祭因以三月為反馬之節舅姑存者亦當以三月而祭也士昏禮又稱若不親迎則婦入三月然後昏見於妻之父毋此高固親迎則不須更見故譏其親反馬也案杜注經云叔姬寧固反馬傳唯舉反馬不言寧者以寧是常事唯反馬非禮故傳舉其非禮者○

楚子伐鄭陳及楚平晉荀林父救鄭伐陳

晉衛侵陳傳

六年春晉趙盾衛孫免侵陳

夏四月

秋八月螽無傳

冬十月

傳六年春晉衛侵陳陳即楚故也○夏定王使子服

求后于齊子服周大夫○秋赤狄伐晉圍懷及邢

丘邢丘今河內平臯縣晉侯欲伐之中行栢子曰

使疾其民驕則數戰為民所疾○數所以盈其貫

將可殪也殪盡也貫猶習也○貫古患反注

盡至習也○正義曰釋詁云貫習也殪死也言其死盡故以殪為盡盈其貫者杜以為盈滿其心使貫習

來伐劉炫云案尚書泰誓武王數紂之惡云商罪貫
盈言紂之為惡如物在繩索之貫不得為習也今知
不然者以詩解射則貫兮先儒亦以為習故杜用周
焉義得兩通劉直以尚書之文而規杜過恐非也

書曰殪戎殷周書康誥也義取周武王以兵伐殷

盡滅之周書曰殪戎殷○正義曰如杜所注戎訓

以周書本文此類之謂也為十五年晉滅狄傳○

故其字在上冬召桓公逆王后于齊召桓公王卿士

于偽反○冬召桓公逆王后于齊○召上○

事不關魯故不書為成二年王甥舅張本○照反○

楚人伐鄭取成而還九年十一月傳所稱屬之役

蓋在此○鄭公子曼蒲與王子伯廖語飲為卿

子鄭大夫○曼音萬○廖力彫反伯廖告人曰無德而會其

易豐三三離下震上豐之離三三豐上六變而

為純離也周易論變故雖不筮必以變言其義豐上

六曰豐其屋蔀其家闕其戶闕其無人三歲不覿凶

義取無德而大其屋不過三歲必滅亡○蔀步口反

又規反闕古賜○豐上至滅亡○正義曰豐卦

反觀徒歷反○豐上至滅亡○正義曰豐卦

豐大之義豐卦上六變而為純離之卦故為豐之

也杜以筮得此卦爻變而為純離之卦故為豐之

坤之比耳此直口語不是撰著而亦言豐之離者周
易論變為義故離不筮論易者必以變言其義故言
豐之離也杜又引豐上六至不覿凶皆周易之文也
王弼以為上六以陰處極而最在外不履於位深自

幽隱絕跡深藏者也。故者覆載之物也。豐大其屋又
鄰蔽其家。開之甚也。以其開而處大屋不能久。享其
利其屋雖大。其室將空。故開其戶而開然無人也。經
三歲而不能顯見。則凶伯引此者。義取無德而居
乃屋不過三。弗過之矣。○不遇三年間一歲鄭人殺
歲必滅亡。○間間之。○間之。○間之。

經七年春衛侯使孫良夫來盟

夏公會齊侯伐萊。○傳例曰不與謀也。萊國今東萊黃

縣。○萊音來。○衛侯至來盟。○正義曰文二年晉人
不與音預。○以公不朝使陽處父盟公以耻之書
曰及晉處父盟去其族以厭耻也。然則公與大夫對
盟則為耻辱也。良夫來盟無賤責者。彼公親朝晉
侯不與公盟故遣大夫來盟。公是為耻辱此不賤責者
其君不得親來遣臣來與公盟不對彼君非為耻辱也。

秋公至自伐萊。○無傳

天旱。○無傳書旱而不書雩雩無功或不雩

冬公會晉侯宋公衛侯鄭伯曹伯于黑壤。○壤如

傳七年春衛孫相子來盟始通且謀會晉也。○公即

位衛始脩好。○好呼。○夏公會齊侯伐萊不與謀也

凡師出與謀曰及不與謀曰會。○與謀者謂同志之

國相與講議利害計成而行之故以相連及為文若

不獲已應命而出則以外合為文皆據魯而言師者

國之大事存亡之所由故詳其舉動以例別之。○不

預下及注與謀同年未不與放此
應對之應別彼列及下注同
與謀者同志之國彼我以相連及為文不與共謀講議利
害計成而後行之故以相連及為文不與共謀講議利
者謂不得已而應命故以外合為文皆據魯而通卿大
也公親會齊侯伐萊而傳以師出示例所以通卿大
夫帥師者魯既春會于曹以謀伐鄭夏遂起師而
更從不與謀之文者厲公篡太子忽之位謀而納之
非正拔諱不與謀之類故雖或先謀皆從不與謀之行乎
非匹敵和成之類故雖或先謀皆從不與謀之行乎
八年晉士燮來聘且言將伐郟下云會伐郟是也
乞師者深求過理之辭執謙以偏成其計固雖小國
乞之於大國也傳以師出為例是唯繫於戰伐之例
減宣叔卻錡是也諸及字為義本不在例今欲強合
劉賈許頴濫以經也杜言小乞大乞小者魯魯以外
六年公子遂如楚也師成二年減宣叔如晉乞師
小國乞於大國也成十三年郟錡來乞師十六年

師者非彼所欲乞來為已也我乞彼者彼不與我謀
彼乞我者彼不欲乞來為已也我乞彼者彼不與我謀
之例宣叔是小小乞大郟錡是故凡言乞者皆從不與我
更無大乞小者故舉郟錡以辨乞小之事耳晉是盟
主自是上行乎下例無與謀之文○赤狄侵晉取向
不由郟錡乞師乃從不與謀之例○赤狄侵晉取向
陰之未註此無秋字蓋闕文晉用栢子謀故縱秋向○
寄亮疏此無秋字蓋闕文○正義曰苗秀乃名為
反未則無未可取知此取必在秋此無秋字
蓋闕

○鄭及晉平公季宋之謀也故相鄭伯以會
盟于黑壤王叔相公臨之以謀不睦
王叔相公周

鄭士街天子之命以監臨諸侯不同軟者尊卑之別

也。相息亮反。歆所洽友。又所甲反。監古衛反。

○晉侯之立也

在二年

公不朝焉又不使大夫聘晉人止公子于會盟于黃父

公不與盟以賂免

黃父即黑壤故黑壤之盟不書

諱之也

慢盟主以取執止之辱故諱之

至諱之

○正義曰昭十三年公會劉子晉侯云于平丘八月甲戌同盟于平丘公不與盟於時晉以讒慝弘多不與公盟公不得與非國之耻故書其同盟而顯言不與此時公實有罪為晉所執不得與盟是公之耻故諱而不書其盟若言諸侯實不盟公無所可與然

經八年春公至自會

無傳義與五年書過同

至故書之以示過也故杜云義與五年書過同

夫受命而出雖死以尸將事遂以疾還非禮也

六月公子遂如齊至黃乃復

無傳蓋有疾而還也

有至禮也。正義曰下言其卒疑有疾而還也聘

禮曰賓入竟而死遂也若賓死未將命則既斂于棺

造于朝介將命哀十五年傳曰有朝聘而終以尸將事之禮是入所聘之竟則當遂行黃是齊竟遂以疾還非禮也

辛巳有事于大廟仲遂卒于垂

有事祭也仲遂卒與

祭同日略書有事為釋張本不言公子因上行還間

無異事省文從可知也稱字時君所嘉無義例也垂

齊地非魯竟故書地

○大音泰傳同為于為

事至

書地。正義曰：有事祭也者，謂禘祭也。釋例以昭十五年有事于武宮，傳稱禘于武公，則知此言有事亦得禘也。祭之日，仲遂卒，不言禘而畧言有事者，禘事得常不主書禘為下，釋祭張本耳。上言公子遂如齊，此言仲遂卒不言公子者，此書有事為仲遂卒而書之，與上相連，猶是一事。因上行還，間無異事，省公子廟，何得為間無異事？秦氏釋云：其間有辛巳有事于大廟，是為仲遂卒起文，只是一事故。云：間無異事也，既不稱公子而稱仲遂者，時君所嘉寵，故稱其字，非義例也。定五年傳：季平子行，東野卒于房，房是魯地，卒於竟內，故不書其地，垂是齊地，非魯竟，故書地也。

壬午猶釋萬入去籥

注 釋又祭陳昨日之禮，所以賓尸

萬舞名籥管也。猶者可止之辭。魯人知卿佐之喪，不宜作樂而不知廢釋，故內舞去籥，惡其聲聞。呂

及傳同籥，羊畧反，管音館，惡。孫炎云：祭之明日，尋釋復祭也。公羊傳曰：釋者何？祭之明日也。穀梁傳云：釋者，祭之旦日之享賓也。天子諸侯謂之為釋，少牢饋食大夫之禮也。謂之賓尸，釋詁云：釋陳也。是陳昨日之禮，以賓敬此尸也。公羊傳曰：萬者何？干舞也。籥者何？籥舞也。其言萬入去籥，何去其有聲者？廢其無聲者，知其不可而為之也。猶者，何通可以已也。是萬為舞名，禮明堂位曰：朱干玉戚，冕而舞大武，干楯也。戚斧也。此舞者，左手執楯，右手執斧，故謂之武舞。言王者以萬人服天下，故以萬為名。詩言碩人之舞，云：左手執籥，右手秉翟。鄭玄云：籥如管，六孔，何休云：吹之以節舞也。故吹籥而舞，謂之文舞。魯人知卿佐之喪，不宜作樂，故去其有聲而不名。以注隱五年亦直云：萬舞也。下問羽數，則萬是舞之大名，不取公羊萬是干舞之義，則執羽吹籥是為萬舞，故杜云：納舞去籥，惡其聲聞，是無干舞籥舞之

別名也沈氏云案曾子問嘗禘郊社簠簋既陳天子崩后之喪廢則卿喪不廢正祭釋是又祭為輕故當廢之

戊子夫人嬴氏薨無傳宣公母也

晉師白狄伐秦

楚人滅舒蓼

秋七月甲子日有食之既無傳月三十日食

冬十月己丑葬我小君敬嬴敬謚嬴姓也及哭成喪

故稱葬小君敬謚○正義曰謚法夙夜敬事曰敬

雨不克葬庚寅日中而克葬克成也雨不至克葬正義曰

十五年九月丁巳葬我君定公雨不克葬戊午日下爨乃克葬彼云乃此云而者公羊傳曰而者何難也乃者何難也局為或言而或言乃乃難乎而也何休云難者臣子重難不得以正日葬其君言乃者內而深言而者外而淺下曷日映又故言乃左氏無傳杜又不說或如公羊之言或是史家異辭

城平陽今泰山有平陽縣

楚師伐陳

傳八年春白狄及晉平夏會昆陽伐秦經在仲遂卒

下從赴晉人獲秦謀殺諸絳市六日而蘇蓋記異

也謂之謀徒協反問也今有事于太廟襄仲卒而繹

非禮也○楚為衆舒叛故伐舒蓼滅之舒蓼二國

名偽。為于。舒蓼二國名。正義曰：舒蓼二國名。若蓋轉寫誤當云：一國名案釋例土地。

各有一國而。舒蓼。舒庸。舒鳩。以為五名。則與文五年滅蓼同。蓋蓼滅後更復。故楚今更滅之。劉炫以杜

為一國而非也。楚子疆之。正其界也。疆居。及滑汭。規之非也。

滑水名。滑于八反。汭如悅反。盟吳越而還。吳國今。吳郡越國。今會稽山陰縣也。傳言楚疆吳越服從。

古外反。稽古兮。盟吳越而還。正義曰：譜云：吳姬。夏驅其良反。姓周太王之子。大伯仲雍之後。大

伯仲雍讓其弟季歷而去之。荆蠻自號句吳。句或為。工夷言發聲也。大伯無子而卒。仲雍嗣之。當武王克

殷而因封其曾孫周章於吳。為吳子。又別封章弟虞。仲雍自大伯五世而得封。十二世而晉滅虞。虞滅

而吳始大。至壽夢而稱王。壽夢以上世數可知。而。繼其年壽夢元年魯成公之六年也。夫差十五年。

越之歲也。二十三年魯哀公之二十二年而越滅。越姓其先。夏后少康之庶子也。封於會稽。自號於

越。於者夷言發聲也。濱在南海。不與中國通。後二十餘世。至於允常。魯定公五年始伐吳。允常卒。子句踐

立。是為越王。越王元年魯定公之十四年也。魯哀公二十二年。句踐滅吳。霸中國。卒春秋後七世。大為楚

所破。遂微弱矣。外傳曰：芊姓歸越。是越本楚之別封也。或非夏后之後也。晉有克有蠱

疾。感以喪志。蠱音古。郤缺為政。代趙盾。秋廢。晉克使趙朔佐下軍。朔盾之子。代晉克為成十七

年。晉童怨郤氏。張本。冬葬敬嬴。早無麻。始用葛。弗

記禮變之所由。第所以引柩殯。則有之以備火葬。則

以下板。第方勿反。引柩。記禮至下板。正義

素也。柩其又反。曰禮記諸言自其始者。

禮記諸言自其始者。東才意。

皆與後人為始此云始用葛第則自此以後常用葛
故云記禮變之所由第字禮或作縹或作縹繩之別
名也周禮遂人大喪屬六紼天子用六也喪大記君
葬用四紼大夫士葬用二紼是紼者所以引柩也於
殯則已有之繫於輅車以備火災有災雨不克葬禮
則引柩以辟火及葬則用之以下柩也
也禮卜葬先遠日辟不懷也
曰曲禮云凡卜筮日旬之外曰遠某日旬之內曰近
某日喪事先遠日吉事先近日鄭玄云喪事葬與練
祥也吉事祭祀冠取之屬也然則先近日先卜上旬
不吉卜次旬又不吉卜下旬喪事則先卜下旬卜葬
先卜遠日辟不思念其親似欲汲汲而早葬之也今
若冒雨而葬亦是不思其親欲得早葬故舉卜葬先
遠日以證為雨而止禮也王制云庶人葬○城平陽
不為雨止者鄭文云雖雨猶葬禮儀也
書時也○陳及晉平楚師伐陳取成而還
言晉楚

李強

經九年春王正月公如齊無傳公至自齊無傳

夏仲孫蔑如京師

齊侯伐萊無傳

秋取根牟根牟東夷國也今琅邪陽都縣東有牟鄉

八月滕子卒未同盟

九月晉侯宋公衛侯鄭伯曹伯會于扈

晉荀林父帥師伐陳

辛酉晉侯黑臀卒于扈卒於竟外故書地四與文同

盟九月無辛酉日誤。音竟。卒於至日誤。正義

卒於竟外黑鬻以二年始立而云四與文同盟者杜

注春秋又為釋例前後經傳勘當備盡豈晉侯二年

始立不于文公之世而云四與文同盟必是後寫之

誤蘇氏亦以為然劉炫以此規杜非也其君卒或書

地或不書地皆從起今云卒於竟外故書地者晉侯

實在竟外卒非以為例也劉炫云襄七年鄭伯斃頑

卒于鄆昭二十五年宋公佐卒于曲棘竟內亦書地

非竟外九月無辛酉者下有十月癸酉杜以長歷推

之癸酉是十月十六日辛酉在前十一月非月誤也

云九月無辛酉上有八月下有十月非月誤也

冬十月癸酉衛侯鄭卒

註無傳三與文同盟

○正義曰鄭父熒以僖二十五年卒鄭代立其年于洮二十六年于向二十八年于踐土文七年于相

非也

宋人圍滕

楚子伐鄭

晉卻缺帥師救鄭

陳殺其大夫洩冶

註洩冶直諫於淫亂之朝以取死故

不為春秋所貴而書名。洩息列。洩冶至書名

年宋人殺其大夫司馬貴之而不名此書洩冶之名

是以不為春秋所貴故書名傳輔臣者所以治頌去惑

是以伏死而爭則直諫者臣之盡忠之爭洩治忠諫

而聞仲尼之苦言至於陳伯弒其君哀之可諫者甚眾

告於哀公求討不義顯事施舍足以致益者固人臣

之所當造勝也若乃情色之惑君不能得之於臣父
不能得之於子臣子而欲顯直於其君父適所以益
諂而致罪也陳靈公宣淫悖德亂倫志同禽獸非盡
言所救洩治進無匡濟遠策退不危行言孫安昏亂
之朝慕匹夫之直忘蓬氏可卷之德死而無益故經
同罪賤之文傳特稱仲尼以明之忠為令德非其人
猶不可況不令乎此其義也是說不貴洩治之意也
然則比干諫紂而死孔子稱殷有三仁焉善比干者
家語云子貢曰陳靈公君臣宣淫於朝洩治諫而殺
之是與比干諫死同可謂仁乎孔子曰比干於紂親
則諸父官則少師忠教之心在於存宗廟而已固當
以必死爭之與身死之後紂當悔悟本志存於仁者
也洩治之於靈公位在大夫無骨肉之親懷寵不去
仕於亂朝以區區之身欲止一國之淫昏死而無益
可謂猶矣詩云民之多辟無自立辟其洩治之
謂乎是言洩治之行不得同於比干之意也

傳九年春王使來徵聘

徵召也言周徵也徵聘不

書徵加諷諭不指斥鳳反夏孟獻子聘於周

為有禮厚賂之字林音悔秋取根牟言易也

以鼓反滕昭公卒為宋圍滕傳會于扈討不睦

也謀齊也陳侯不會前年與楚成故晉荀林父

以諸侯之師伐陳不書諸侯師林父帥之無將帥

將子匠反師所類反年晉侯齊師宋師秦師及楚人戰于

城濮彼注云宋公齊國歸父秦小子慈既次城濮以

師屬晉不與戰也彼以師屬晉而經書其師此全不

師者彼雖公卿不行仍存大夫帥之將卑師眾故稱
師耳此則全無將帥以真付晉并入晉軍林父獨自
帥之故唯書晉侯卒于扈乃還冬宋人圍滕因其
林父伐陳也

喪也。陳靈公與孔寧儀行父通於夏姬皆棄其相

服以戲于朝。二子陳卿夏姬鄭穆公女陳大夫御

叔妻襄懷也相服近身衣。夏戶雅反秉音忠王丁仲反相女乙反一音汝栗

反說文云日日所衣裳也字林同又云婦人近身衣

內衣也仁一及御如字一音魚呂反近附近之近洩

治諫曰公卿宣淫民無効焉。宣示也教反効戶且聞

不令君其納之。納藏相服一音問公曰吾能改

矣公告二子二子請殺之公弗禁遂殺洩治孔子曰

詩云民之多辟無自立辟其洩治之謂乎。辟邪也

辟法也詩大雅言邪辟之世不可立法國無道危行

善孫。禁居鳩反又音金多辟本又作僻匹亦反。同立辟婢亦反注同邪似嗟反下同行下孟反。

孫音○楚子為厲之役故伐鄭。六年伐楚鄭取成

於厲既成鄭伯逃歸事見十二年。為于偽反見賢通反晉

卻缺救鄭鄭伯敗楚師于柳林。柳林鄭地手反勞

扶云國人皆喜唯子良憂曰是國之災也吾死無日

矣。自是晉楚交兵伐鄭十二年卒有楚子入鄭之

禍

經十年春公如齊公至自齊。無傳

齊人歸我濟西田。元年以賂齊也不言來公如齊因

受之。禮反。濟子。

夏四月丙辰日有食之。無傳不書朔官失之。

巳巳齊侯元卒。未同盟而赴以名。

齊崔氏出奔衛。齊略見舉族出因其告辭以見無罪。

○見賢通。齊略至無罪。正義曰崔杼有寵於

反下同。惠公惠公既薨高國二家恐其藉前世

之寵又有寵於新君故畏其逼已因君薨而逐之崔

杼未有罪也齊人疑其事故不言其名略言崔氏見

其舉族出奔耳及仲尼脩之大夫出奔無罪不名不

名即是無罪故因告稱氏而書氏以見無罪若貴之

或稱官或稱字如司。城子哀之類是也。

公如齊五月公至自齊。無傳。

六月宋師伐滕

公孫歸父如齊

楚薺惠公。無傳歸父襄仲之子。

晉人宋人衛人曹人伐鄭。鄭及楚平故。

秋天王使王季子來聘。王季子者公羊以為天王之

母弟然則字季子天子大夫稱字。

傳曰王季子者何天子之大夫也其稱王季子何貴也其貴奈何母弟也是公羊以為天王之母弟也母

弟而稱季子然則字季子也天子大夫例稱字襄三
十年天王殺其弟佖夫母弟稱弟此不言王弟者釋
例云朝聘盟會嘉好之事此兄弟之篤睦非義例之
所與故仍舊史之策或稱弟或稱公子是由義無所
見故因其舊文其相殺
害乃稱弟以示義耳

公孫歸父帥師伐邾取繹繹邾邑魯國鄒縣北有繹

山音亦繹邾至繹山正義曰文十三年傳稱
今魯伐取之非取邾之都也亦因
繹山為名蓋近在邾都之旁耳

大水無傳

季孫行父如齊

冬公孫歸父如齊齊侯使國佐來聘既葬成君故稱

春命使也

饑無傳有水災嘉穀不成

楚子伐鄭

傳十年春公如齊齊侯以我服故歸濟西之田公

比年朝齊故夏齊惠公卒崔杼有寵於惠公高國

畏其偏也高國二家齊正卿公卒而

逐之奔衛書曰崔氏非其罪也且告以族不以名逐

典策之法告者皆當書以名今齊特以族告夫子因
而存之以示無罪又言且告以族不以名者明春秋

有因而用之不皆改舊史

疏曰傳言且告以族不以

名知法當以名告而齊人設以族告也釋例云若乃

稱司城以貴效節於府人書歸父之還以善復命於

介因齊人告辭以著其無罪蓋隨事以示褒貶也傳

既云書曰崔氏以明非罪復云且告以族不以名知

典策之書舊當以各通也齊國雖繆以族告適合仲

尼新褒之實因而革以示無罪且明春秋之作或

因仍舊史成文不必皆有改也何休膏肓以為公羊

譏世卿而難左氏蘇氏釋云崔行祖父名不見經則

知非世卿且春秋之時諸侯擅相征伐猶尚不譏世

卿雖曰非禮夫子何由獨責又鄭駁異義引尚書世

選爾勞又引詩刺幽王絕功臣之世然則興

滅繼絕王者之常幾世卿之文其義何在

凡諸使

之大夫違**注**違奔放也**疏**曰違奔放也○正義曰釋

放俱去其國故傳通以違

為文是言違兼奔放也

告於諸侯曰某氏之室臣

其上某氏者姓下某名○守手**疏**上某至某

崔氏之守臣杼也大夫受氏當世守宗廟故謂之守

臣言守宗廟之臣也僖十二年管仲云天子之二守

高國在彼謂天子命之為守國之臣與此異也知此

異於彼者蓋天子命者出奔乃得告於諸侯餘臣出

奔不得告也且下句云失守宗廟如守臣謂守宗廟

之臣非守國也天子賜姓諸侯賜族對文則姓與族

別散文則可以通禮謂族人為庶姓

故云上某出者姓其實正是族也**失守宗廟敢告**

所有王帛之使者則告**注**王帛之使謂聘○之使

王帛之使謂聘○正義曰聘禮執王致命執帛致

享故云王帛之使謂聘也下注云恩好不接故亦不

告又昭二十年曹公孫會自鄆出奔宋注云嘗有王

帛之使來告故書則杜意以為奔者之身嘗有王帛

吳錫

以為王帛之使謂國家有交好
之國皆告非指奔者之一身
接故亦不告。好呼
○公如齊奔喪報反
公親奔喪非

禮也公出朝會奔喪會葬皆書如不言其事史之常
也○陳靈公與孔寧儀行父飲酒於夏氏公謂行父

曰徵舒似女對曰亦似君徵舒病之靈公即位於
今十五年徵舒已為卿年大無嫌是公子蓋以夏姬

淫放故謂其子多似以為戲夏戶雅反女音汝
射而殺之二子奔楚射食亦反
○滕人恃晉而不

事宋六月宋師伐滕○鄭及楚平前年敗楚師恐

楚深怨故與之平諸侯之師伐鄭取成而還○秋劉

康公來報聘報孟獻子之聘即王季子也其後食
采於劉○師伐邾取繹為子家如齊傳
○季文子

初聘于齊齊侯初即位
○冬子家如齊伐邾故也

魯侵小恐為齊所討故往謝國武子來報聘
報文子也○楚子伐鄭晉士會救鄭逐楚師于潁北

潁水出河南陽城至下蔡入淮正義曰釋例
曰潁水出河南陽城縣陽乾山東南南諸侯之師伐鄭

經潁川汝陰至淮南下蔡縣入淮也
鄭子家卒鄭人討幽公之亂斲子家之棺而逐其族

註以四年弒君故也。斷薄其棺，不使從卿禮。角反。斷竹

疏以四至卿禮。正義曰：喪大記云：君大棺八寸，屬六寸，禭四寸，上大夫大棺八寸，屬六寸，下大夫

大棺六寸，屬四寸，士棺六寸，然則子家上大夫棺當

八十寸，今斷薄其棺，不使從卿禮耳。不知斷薄之使從

何禮也。**改葬幽公諡之曰靈**注幽公。正義曰：諡法動靜亂常曰幽。

經十有一年春王正月。夏楚子陳侯鄭伯盟于辰陵。注楚復伐鄭，故受盟也。辰

陵，陳地，潁川長平縣東南有辰亭。復扶又反。下復封陳同。

公孫歸父會齊人伐莒。注無傳。

秋晉侯會狄于欒函。注晉侯往會之，故以狄為會主。欒

函，狄地。欒才端。注晉侯至狄地。正義曰：凡諸

侯聚會，魯不與者，皆歷序諸國。云會于某地，上盟于辰陵，即其事也。狄從諸夏序列

亦然。僖二十年，齊人狄人盟于邢，是也。此異於彼而

云晉侯會狄，是狄在彼地，晉往會之，故傳說晉大夫

欲召狄卻成子，勸其勤是晉侯自往，故以狄為會主。

成十五年會吳于鍾離，襄十年會吳于柤，其意與此同。

冬十月，楚人殺陳夏徵舒。注不言楚子而稱人討賊，辭

也。注不言至辭也。正義曰：討賊辭者，言弒君之

子也。襄二十七年，衛殺其大夫甯喜，亦是討賊，但衛

人自殺其臣，故稱大夫徵舒，非楚之臣，不得言殺其

大夫諸放，殺及執他國之臣，皆不言某國大夫者，以人臣卑賤，故沒其爵號，而空書名氏。

丁亥，楚子入陳。注楚子先殺徵舒，而欲縣陳，後得申叔

時諫乃復封陳不有其地故書入在殺徵舒之後
遂入陳殺夏徵舒轍諸粟門此經先書殺夏徵舒後
書入陳者據先後事實為文故杜注云楚子先殺徵
舒而欲縣陳後得申叔時諫乃復封陳不有其地故
書入陳殺徵舒之後是其事也劉炫云楚子入陳乃
殺徵舒經先書殺徵舒後言入陳者以楚子本意止
欲討賊無心滅陳及殺徵舒後言入陳者以楚子本
諫乃復封陳於例不有其地故云入陳言楚人既殺
徵舒楚子乃復入陳納納二子於陳入陳之文為下納
張本傳言書曰入陳納納公孫寧儀儀行父于陳書有禮
也入納連文是入為納也昭八年楚師滅陳執公子
招放于越殺陳孔魚彼心欲滅陳此則主為討賊無
心滅陳而復封之君子善其自悔故退入陳於下隱
其縣陳之過若其不然當云楚子入陳殺夏徵舒如
此則楚子本為入陳因入乃討陳賊
則是惡楚子故書入在殺徵舒之後

公孫寧儀儀行父子陳

二子淫昏亂人也君執之

能外託楚以求報君之讎內結強援於國故楚莊得
平步而討陳除弑君之賊於時陳成公播蕩於晉定
亡君之嗣靈公成喪賊討國復功足以補過故君子

善楚復之。捕補賀。二子淫昏致使君死國亂

實罪人也。今楚子入陳而納之乃是納罪人也。例應

罪楚子而傳言書曰入陳納公孫寧儀儀行父于陳書

有禮也。既善楚子有禮則是怨彼之過故杜迹其合

恕之由言賊討國復是二子之力其功足以補過故

君與君淫故絕之善楚有禮也。案子糾捷苗皆不繫
國自是例之常賈說非也。釋例云賈氏依放穀梁云
稱納者內難之辭納公孫寧儀儀行父子陳言書有禮

不可言內難也陳縣而見復上下交離二人雖有在
縱之關今道楚匡陳賊討君韓威權方盛博稱其禮
理無所難此先儒說之不安也杜言於時陳成公播
蕩於晉者此傳云陳侯在晉襄二十五年傳云夏氏
之亂成公播蕩是也

傳十一年春楚子伐鄭及櫟子良曰晉楚不務德而

兵爭與其來者可也晉楚無信我焉得有信乃從楚

夏楚盟于辰陵陳鄭服也傳言楚與晉狎主盟

力秋反爭爭鬪之爭焉於楚左尹子重侵宋

重公子嬰齊莊王弟王待諸鄭鄭楚地

尹為艾獵城沂艾獵孫叔敖也沂楚邑

艾獵孫叔敖也正義曰服虔亦云艾獵

明年令尹孫叔敖明一人也世木艾

封人其時主築城者慮事謀慮計功慮如字一

雅云無慮封人至計功正義曰周禮封人凡

之大司馬大役與慮事受其費以待考而賞誅鄭玄

云慮事者封人也於有役司馬與之屬賦丈尺與其

用人數也是封人主造城邑計度人數此云使封人

故云其時主築城者慮事者謀慮城築之事無則慮

之說則計功也史書多有無以授司徒司徒掌役

量功命日命作日數分財用財用築用具平板

幹幹楨也。幹古旦反亦釋詁云楨幹楨也舍

人曰楨正也築牆所立兩木也榦所以當牆兩邊郭
土者也彼楨為榦故為榦謂牆之兩頭立木也
板在兩旁即郭土者即彼大榦也
稱榦築
平板榦者等其高下使城齊也
量輕重

畚盛土器盛音成畚音本
程土物為作程限反又為字

疏稱畚築程土物。正義曰畚者盛土之器築者築
其輕重均負土與築者之力也程土物
謂鍤纒畚舉之屬為作程限備豫也

勞逸略基趾趾音止具餼糧均

餼乾食也。餼音侯糧音良乾食如度有司謀監

主。度待各反事三旬而成十日為旬不愆于素

監古衙反不過素所慮之期也傳言叔敖之能使民度天

晉郤成子求成于眾狄眾狄疾赤狄之役赤狄

晉赤狄潞氏最強故服役眾狄音潞秋會于櫛函

眾狄服也是行也諸大夫欲召狄郤成子曰吾聞之

非德莫如勤非勤何以求人能勤有繼其從之也

勤則功繼之詩曰文王既勤止詩頌文王勤以創

業亮。創初文王猶勤况寡德乎。冬楚子為陳夏氏

亂故伐陳十年夏徵舒弑君謂陳人無動

將討於少西氏少西徵舒之祖子夏之名少詩

疏少西至之名。正義曰禮以王父字為氏徵舒
以夏為氏知子夏是字少西是名言少西氏者氏

猶家也言將討少西之家遂入陳殺夏徵舒轅諸栗門轅車裂也栗門陳城門音惠因縣陳滅陳以為楚縣陳侯

在晉靈公子成公午申叔時使於齊及復命而退

王使讓之曰夏徵舒為不道弑其君寡人以諸侯討

而戮之諸侯縣公皆慶寡人楚縣大夫皆僭稱公

使所吏反以諸侯討而戮之正義曰經無諸

有楚之屬國從行也十二年邲之戰經不書唐而傳

云唐侯為左拒昭十七年長岸之戰經不書隨而傳

言使隨人守舟明此時亦有女獨不慶寡人何故對

曰猶可辭乎王曰可哉曰夏徵舒弑其君其罪大矣

而戮之君之義也抑人亦有言曰牽牛以蹊人之

田抑辭也蹊徑也女音汝蹊音而奪之牛牽牛

以蹊者信有罪矣而奪之牛罰已重矣諸侯之從也

曰紂有罪也今縣陳貪其富也以討召諸侯而以貪

歸之無乃不可乎王曰善哉吾未之聞也反之可乎

曰吾齊小人所謂取諸其懷而與之也叔時謙言

小人意淺謂譬如取人物於其懷而還之為愈於不

還齊仕皆乃復封陳鄉取一人焉以歸謂之夏州

州鄉屬示討夏氏所獲也復扶又反謂之夏

州正

義曰謂之夏州者討夏氏鄉取一州故謂之夏州

納公孫寧儀行父子陳書有禮也設其縣陳本意

全以討亂存國為大善其復禮正義曰言入陳納

人為有禮也直言入陳納人是沒其縣陳本意言陳

善其得禮○厲之役鄭伯逃歸蓋在六年自是楚未得

志焉鄭既受盟于辰陵又徵事于晉為明年楚圍

鄭傳十年鄭及楚平既無其事辰陵盟後鄭徵事晉

又無端跡傳皆特發以明經也自厲之役鄭南北無

端故未得志九年楚子伐鄭不以黑壤與伐遠播厲

之役者志恨在厲役此皆傳上下相包通之義也

古堯正義曰十年鄭及楚平

謂經所無也傳若不發此語不知楚以何故明年忽

然圍鄭為此特發此傳以明後年圍鄭之經也自厲

役以來鄭南北兩屬不專心於楚故楚未得志而明

年圍之七年晉為黑壤之會鄭伯在焉厲役在黑壤

之前九年傳言楚子為厲之役故伐鄭事在黑壤之

後而彼傳不以黑壤與伐而遠稱厲之役者楚子之

志所恨在於厲役逃歸不為黑壤會晉故也上指厲

下指辰陵中包黑壤此皆傳上下相包通之義也

春秋左傳註疏卷第二十二

春秋左傳註疏卷第二十三

宣十二年

晉日杜氏註

唐孔穎達疏

經十有二年春葬陳靈公無傳賊討國復二十二月

然後得葬

楚子圍鄭前年盟夏陵而又傲事晉故堯反

夏六月乙卯晉荀林父帥師及楚子戰于邲晉師敗績

晉上軍成陳故書戰邲鄭地

正義曰此一軍成陳兩軍不成陳成陳者雖少以戰為文案昭二十三年雞父之戰六

製 複 許 不

NOT TO BE REPRODUCED

東京大学東洋文化研究所